

U TARALLARE

U tarallare - ch'ère n'ambulande –
jéve p'a tэрre che na cascetélle
chiéna de cose bbone: de cruccande,
scavedatille, nuce, caramèlle.

Tenève pure ménele atterrate
e, c'u fresckétte arréte, cavalluzze
de créte e puppe fatte a pupurate
ca purtàvene 'ngape na pennuzze.

Si, stragque, se 'mbuntave a nu puntone,
'a cascète vutave a tavuline
appujánnele sope a nu bastone,
po doppe lucculave: «Robba fi-i-ne!

E vanitave accusi na mercanzije
ca putève ammesckarte pure u tife
chi cacate de mosche e chi sckufije.
Ate ché robba fina, ére nu sckife.

Ma p'i uagliune érene cose rare.
Taralle, cavalluzze, caramèlle
s'accattavene pe poche denare,
bastave nu duje solde o 'na nechélle.